



## U akciji "Povratnik" zaplijenjeni brojni dokazi, šest uhapšenih

# PRONAŠLI ROKOVNIKE I BILJEŠKE NARKO-DILERA

Pronađeno je i zaplijenjeno i oko 600 grama materije za koju se vjeruje da je heroin te oko 100 grama supstance koja asocira na marihuanu

**Dragan SLADOJEVIĆ**

SARAJEVO - Bilješke i rokovnici, kao i oko 30.000 maraka, samo su dio plijena koji je oduzet od uhapšenih u akciji "Povratnik", a tokom koje je, na području Brčkog, zbog rasturanja droge "palo" šest lica.

Pritom, kako je juče saopšteno iz Državne agencije za istrage i zaštitu (SIPA), osim što su oduzeti predmeti koji mogu poslužiti kao de kaz u daljem postupku, pretreseni su i objekti na deset lokacija na području Brčko distrikta i Tuzle.

U okviru ove akcije takode, pronadeno je i zaplijenjeno oko 600 grama materije za koju se vjeruje da je heroin, te oko 100 grama supstance koja asocira na marihuanu.

Istražioici su, osim toga, pronašli i nekoliko tableta ekstazija, ali i digitalnu vagu, folije i selotejp trake korištene za pakovanje droge te komad oružja bez dozvole sa municijom.

"Pronađeni su i laptopi, računari, mobilni telefoni i SIM



KOD OSUMNJIČENIH NAŠLI I ZLATO

Svaki korak policije pratili tužilac i istražilac FOTO ARHIVA

kartice, uređaji za pohranu podataka, određeni dokumenti, bilješke i rokovnici te određena količina zlata i oko 30.000 KM", rekli su istražioici.

Akciju su izveli policajci i inspektori SIPA, sa kolegama iz Policije Brčko distrikta.

"U okviru ove akcije, na području Brčko distrikta uhapšeno je šest osoba zbog sumnje u organizovani kriminal, odnosno u neovlašteni promet drogama. Još jedna osoba je

saslušana u svojstvu osumnjičene, nakon čega je otpuštena iz službenih prostorija, dok se za jednom osobom traga", rekli su iz SIPA.

**JOŠ JEDNO LICE SASLUŠANO PA PUŠTENO, A ZA JEDNIM SE TRAGA**

Osumnjičene terete da su

od septembra prošle do avgusta ove godine, u saradnji sa učesnicima iz Srbije, u toj zemlji nabavljali heroin te ga prevozili i preprodavali u BiH.

"Takode osumnjičeni su da su na području BiH nabavljali i distribuisali marihuanu i spid. Nad uhapšenima još uvijek kriminalistička obrada i oni će potom biti predati Tužilaštvu BiH", saopšteno je juče iz SIPA.

Ova akcija, podsjetimo, izvedena je po naredbama Su-

da BiH i Tužilaštva BiH, a uz podršku tuzlanske policije.

Na terenu je, kako su potvrdili iz Tužilaštva BiH, bio i tužilac i istražilac iz Posebnog odjeljenja za organizovani kriminal, privredni kriminal i koricupciju, i upravo oni su koordinisali svaki pokret policajaca.

Ispitivanje osumnjičenih nije okončano do zaključenja ovog broja "Nezavisnih", tako da im nisu bila poznata ni imena.